

պատմության վաղ շրջանի հարցերին նվիրված գրականության մեջ տեղ գտած թերի և հակառական կոնցեպցիաների դեմ:

Հանդեսում այնուհետև ազագրված է Ա. Գրիգորյանցի «Արդյունաբերության վիճակը և բանվորների դրությունը Հայաստանում 1910—1914 թթ.» հոդվածը, որ նվիրված է Հայաստանի բանվոր դասակարգի պատմության քիչ ուսումնասիրված էջերից մեկին: Հեղինակը ցույց է տալիս, որ այն բանից հետո, երբ կապիտալիզմը թևակոխեց իր պարզացման նոր շրջանը՝ իմպերիալիզմի շրջանը, Հայաստանի արդյունաբերության մեջ ևս տեղի ունեցավ կապիտալի համակենտրոնացում ու կենտրոնացում, որի հետևանքով աճեց Հայաստանի բանվոր դասակարգի շահագործման ստտիճանը, աղքատացումը, սրվեցին աշխատանքի և կապիտալի միջև եղած հակասությունները: Հարուստ փաստական տվյալների հիման վրա հեղինակը քաջահայտում է առավելագույն շահույթ ձեռք բերելու նպատակին ուղղված կապիտալիստների միջոցառումները, որոնց նպատակն էր մարսիմալ շահերով շահագործել Հայաստանի բանվոր դասակարգին և երկրի ընդերքի հարստությունները:

Հոդվածում հեղինակն անդրադառնում է Հայաստանի բանվոր դասակարգի տվյալ ժամանակաշրջանի ուսույցի տեղի պոռթկումների պատմական պրոցեսին, ցույց է տալիս, թե ինչպես սոցիալական առաջին ուսույցիայի շուրջում հարցերը այդ շրջանում օրակարգի մեջ են դրվում նոր ուժով, և Հայաստանի բանվոր դասակարգը հետևելով համառոտական պրոլետարիատի օրինակին, շփափած ուժերի կրակով պատրաստվում է նոր գրոհների: Հեղինակը առանձնապես ընդգծել է Անդրկովկասի բուլշևիկյան կազմակերպությունների ղեկավար դերը երկրամասի, այդ թվում և Հայաստանի բանվորական շարժումը կազմակերպելու, նրան

նպատակաուղաց ուղղություն տալու համար մրդվող պայքարում:

«Բաների» հոդվածների թափում տպված են նաև Մ. Հակոբյանի «Հայաստանի կոոպերացիայի պատմությունից» փոքրիկ հոդվածը, Գ. Հարությունյանի և Վ. Արդանյանի «Թիֆլիսի հայերեն գրքերի հրատարակչությունը և հայ գրողների փոխհարաբերությունը» ծավալուն հոդվածը, ինչպես և երկու հաղորդումներ (Խ. Բադալյան՝ «Էջեր ստար զավթիչների դեմ հայ և ադրբեջանական ժողովուրդների համատեղ պայքարի պատմությունից» և Պ. Կոկինոս՝ «Միջուրահայ կոմունիստների առաջին ապագիր կոչը և նրա պատմական նշանակությունը»): Բացի այդ, տպագրված է մեկ գրախոսություն, որը նվիրված է «Արխիվային շինարարությունը Հայաստանում» գրքին:

«Բաները Հայաստանի արխիվների» հանդեսի խնդիրն է՝ առաջին պլանի վրա մղել արխիվային փաստաթղթեր հրատարակելու, գրանց դիտական հասարակայնության լայն շրջաններին մատչելի դարձնելու գործը: Եթե այս արդարացի պահանջներով մոտենանք «Բաների» առաջին գրքին և համեմատենք նրա բաժինների բեռնվածությունը, կտեսնենք, որ հանդեսի 238 էջից միայն 44 էջն է հատկացված արխիվային փաստաթղթերի հրապարակմանը, մինչդեռ հոդվածներին ու հաղորդումներին հատկացված է հանդեսի ամբողջ բան 3/4-ը: Դա, մեր կարծիքով, ճիշտ չէ, որովհետև հետին պլանի վրա է մղում հանդեսի առաջ գրված հիմնական խնդիրը: Հանդեսը հիմնականում պետք է ապագրի իր մասնագիտացման տեսակետից ինքնատիպ այնպիսի հոդվածներ, որոնք լուսարանեն արխիվային գործի պատմության, արխիվային տեսեսության բարելավման, առաջավոր գործի փոխանակման և նման այլ հարցեր:

Հ. ԱՐԱՐԱՏՅԱՆ

Վ. Հ. ՌՇՏՈՒՆԻ, *Ուրվագծեր Հայաստանի գյուղացիության պատմության*. Կապ. Ա, Երևան, 1960, 340 էջ, գինը 13 ռ. 10 կ.:

Պրոֆ. Վ. Ռշտունին նպատակ է դրել երեք հատորով հրատարակել «Ուրվագծեր Հայաստանի (իմա՝ Արևելյան Հայաստանի) գյուղացիության պատմության» աշխատությունը: Առաջին հատորը, որն արդեն լույս է տեսել և հանդիսանում է ներկա գրախոսության առարկան, ընդգրկում է 1828—1870 թթ., այսինքն՝ Արևելյան Հայաստանը Ռուսաստանին միաց-

նելուց սկսած մինչև Հայաստանում գյուղացիական ռեֆորմի անցկացումը, երկրորդ հատորը ընդգրկելու է 1870—1900 թթ., իսկ երրորդը՝ 1900—1917 թթ.:

«Ուրվագծերի» առաջին հատորում հեղինակը համառոտակի կանգ է առնում 1828 թվականից առաջ Արևելյան Հայաստանում գոյություն ունեցող ֆեոդալական հարաբերություն-



ների բնութագրման վրա: Նա բերում է ցարական պաշտոնյաների և պաշտոնական պատմաբանների, հայ լիբերալ-նարողների, ինչպես և բուրժուական տնտեսագետների հայացքները Հայաստանում ֆեոդալիզմի բնույթի մասին և ցույց է տալիս, որ նրանք, ելնելով իրենց դասակարգային շահերից, ժխտում էին հողի ֆեոդալական մասնավոր սեփականության փաստը:

Այսպես, պաշտոնական պատմաբաններ Ի. Եռակեր, Ս. Էսաձեն և Վ. Իվանենկոն, ժխտելով այդ փաստը, աշխատում էին արդարացնել ցարիզմի գաղութային քաղաքականությունը տաղացիների, այդ թվում նաև ֆեոդալների հողերը բռնագրավելու գործում: Պրոֆ. Վ. Ռշտունին իրավացիորեն նշում է, որ մինչև 40-ական թթ. ցարիզմը դեռ հեռու էր Հայաստանում տեղական կալվածատիրության վրա հենվելու մտքից և ռուսական կալվածատիրական տարր ստեղծելու մեջ էր որոնում իր գաղութային քաղաքականության ամրապնդման տնտեսական-սոցիալական հենարանը» (էջ 12),

Հայ լիբերալ-նարողները և բուրժուական տնտեսագետները ֆեոդալական հողատիրության առաջացումը Արևելյան Հայաստանում կապում էին ցարիզմի քաղաքականության հետ և, ժխտելով այդ հողատիրության գոյությունը պարսկական տիրապետության ժամանակ, փորձում էին պատմականորեն հիմնավորել հայ գյուղացու իրավունքներն իր հողաբաժնի նկատմամբ:

Քննադատելով վերոհիշյալ հեղինակների սխալ դրույթները, հեղինակը գալիս է այն ճիշտ եզրակացության, որ Արևելյան Հայաստանում դեռևս պարսկական տիրապետության ժամանակ ֆեոդալները տիրում էին հողին, որպես մասնավոր սեփականության:

Պրոֆ. Վ. Ռշտունին այնուհետև անդրադառնում է այն հարցին, թե Արևելյան Հայաստանում ֆեոդալիզմը արդյոք օժտված էր ճորտատիրական գծերով: Նա նշում է, որ վերոհիշյալ պաշտոնական և լիբերալ-նարողների կողմից պատմաբանները այդ հարցին տալիս էին բացասական պատասխան, իսկ մարքսիստ ուսումնասիրողները հայտնում են տարբեր կարծիքներ: Այսպես, պրոֆ. Ա. Եսայանը գտնում էր, որ մուլքադարական ու թիուլդարական գյուղացիները ըստ էության ճորտեր էին, թեև ամրացված չէին հողին և, հետևաբար, ազատ տեղափոխման իրավունք ունեին: Պրոֆ. Ի. Պետրուշենսկին եզրակացնում է, որ այդ գյուղացիները համարյա նույնպիսի ճորտեր էին, ինչպիսիք կային Վրաստանում, միայն այն տարբերությամբ, որ Հայաստանում նրանց ճորտական վիճակը չէր արտացոլված օրենսդրության մեջ: Նրա այս կարծիքը անվերապահորեն բն-

դուռնում է նաև պրոֆ. Մ. Աղայանը՝ Ադրբեջանի նկատմամբ: Հանգուցյալ Բ. Հարությունյանը մերժում էր պրոֆ. Ի. Պետրուշենսկու այդ գրույթը և գտնում, որ Հայաստանում կարելի է խոսել ոչ թե ճորտատիրության, այլ նրա բիշթե շատ շոշափելի տարրերի մասին: Իվ. Այսպես, բերելով մարքսիստ հեղինակների կարծիքները Հայաստանում ճորտատիրության գոյության մասին, Վ. Ռշտունին եզրափակում է, որ պատմական փաստերի հիման վրա պետք է հերքված համարել ցարական իշխանության պաշտոնական ներկայացուցիչների, ցարական կիսապաշտոնական բուրժուական և նարողների կողմից հեղինակների տեսակետը՝ Արևելյան Հայաստանի սոցիալ-տնտեսական կարգի բնույթի մասին: «Սակայն դեռ հաղթահարված չէ որոշ տարածայնություն մեկ հիմնական հարցում. ոմանք այն միտքն են արտահայտում, որ գրեթե ամբողջ գյուղացիության ճորտացումը, ուրեմն և հողին ամրացնելը, Իրանի հետ միասին, դարեր շարունակ իրականություն էր նաև Արևելյան Հայաստանում, ուրեմն և Ռուսաստանին նրա միանալու նախօրյակին, իսկ մյուսները գտնում են, որ կարելի է խոսել միայն Արևելյան Հայաստանում ճորտատիրության բազմաթիվ տարրերի, բայց ոչ թե գյուղացիության ճորտացման և հողին ամրացնելու ականքի իրողության մասին, ինչպես Վրաստանում կամ Ռուսաստանում: Անշուշտ, սովետական ուսումնասիրողների ջանքերով, պետք է հուսալ, որ մոտ ապագայում բնդունելի լուծում կստանա նաև այդ վիճելի հարցը, որը կարևոր նշանակություն ունի XIX դարի գյուղացիության պատմության հետազոտությունը ճիշտ հողի վրա դնելու համար» (էջ 46): Այլ կերպ ասած, նա գյուղացիության ճորտացման հարցը Հայաստանում իրավացիորեն բաց է թողնում: Հարցի մշակման ներկա մակարդակը դեռ հնարավորություն չի տալիս այդ առթիվ վճռական խոսք ասելու: Անհրաժեշտ է երևան հանել հայկական գյուղի պարսկական տիրապետության ժամանակաշրջանի կյանքը բնորոշող նոր փաստեր:

Պրոֆ. Վ. Ռշտունին այնուհետև նշում է, որ ֆեոդալների դասը Արևելյան Հայաստանում պարսկական տիրապետության ժամանակ բաղկացած էր մուլքադարներից և թիուլդարներից: Մուլքադարները «դրանք ֆեոդալական կալվածատերեր էին՝ հողերի ժառանգական սեփականատիրական իրավունքով, հետևաբար, վաճառելու, նվիրելու և կտակելու արտոնությունով, իհարկե, նաև նոր կալված գնելու իրավունքով» (էջ 52): Իսկ թիուլդարները նույնպես ֆեոդալներ էին, բայց այլ բնույթի: Նրանց հողատիրությունը «ժառանգական բնույթ չունեի, այլ պայմանական ֆեոդալական հողատիրու-



թյուն էր, արեմատսեվրոպական բնեկեցիկաների կամ ուսումնական պոմեստիկների նման, և տրվում էր իբրև պարզև հատուկ վաստակների համար ցմահ կամ պետական ծառայության ժամանակաշրջանում» (էջ 54)։ Ֆեոդալական դասի ճնշող մեծամասնությունը կազմում էին մուլքադարները։ Եթե պատահում էր այնպես, որ միևնույն անձը հանդիսանում էր և՛ մուլքադար, և՛ թիուղար, այս դեպքում նրա ստացած եկամուտը համարյա կրկնապատկվում էր։

Անդրադառնալով ֆեոդալական տիրապետող վերնախավի և շահագործվող գյուղացիության բանական փոխհարաբերության հարցին, Վ. Ռշտունին մի շարք ուշագրավ հաշվումներով ցույց է տալիս, որ XIX դ. 30-ական թվականներին ագնվականությունը կազմել է 3 173 մարդ, կամ բնակչության 1,9 տոկոսը, հոգևորականությունը՝ 5 290 մարդ կամ՝ 3,2 տոկոսը, առևտրականներն ու արհեստավորները՝ 10 124 մարդ, կամ՝ 6,1 տոկոսը, իսկ գյուղացիությունը, թուվորների հետ միասին՝ 145 863 մարդ, կամ՝ 88,8 տոկոսը (էջ 65)։ Ագնվականները, ըստ ազգություն, հիմնականում ադրբեջանցիներ էին։ Նրանք կրում էին խան, բեկ, սուլթան անունները, հայ կալվածատերերը՝ մելիքները նրանց մեջ չնչին փոքրամասնություն էին։ Իսկ գյուղացիները մեծ մասամբ հայեր էին։ Օրինակ, ըստ հեղինակի բերած տվյալների, նշված ժամանակաշրջանում Հայաստանում հաշվվում էր 241 112 մարդ, որից հայեր՝ 141 682 կամ 58,8 տոկոս, ադրբեջանցիներ՝ 83 165 կամ 34,5 տոկոս և րրդեր՝ 15 415 կամ 6,4 տոկոս (էջ 65)։

Գյուղացիների մոտ 70—73 տոկոսը բնակվում էր պետական, իսկ 27—30 տոկոսը՝ կալվածատիրական հողերի վրա։ Վանքապատկան գյուղացիների թիվն աննշան էր։ Նրանք ամբողջ գյուղացիության նույնիսկ մեկ տոկոսը չէին կազմում։ Հայաստանում կար գյուղացիության մի կատեգորիա ևս, որը ունեւպար էր կոչվում։ Հեղինակի բնութագրումից երևում է, որ ունեւպարները Արեւելյան Հայաստանում համարյա նույնն էին, ինչ մարապաները՝ Արեւմտյան Հայաստանում։ Սակայն ի տարբերություն մարապաների, ունեւպարների թիվն այստեղ չնչին էր։ Նրանք բնակվում էին բնդամենը 8 գյուղում, որոնցից երկուսը պետական էին, երկուսը՝ մեչիտապատկան, իսկ չորսը՝ մուլքադարական։

Պրոֆ. Վ. Ռշտունին նշում է, որ պարսկական տիրապետության ժամանակ հայ աշխատավոր գյուղացիների վիճակը անտանելի էր։ Սարդարը, բեկերն ու սուլթանները ցանկացած ժամանակ կարող էին դրկել նրանց կյանքից ու դուրբից, ստիպում էին կոռ կատարել, բահրա

վճարել, ինչպես և դրամական հարկեր տալ։ Գյուղացիների թվարկված տարրեր կատեգորիաների մեջ համեմատաբար բարվոր էր պետական գյուղացիների վիճակը՝ ֆեոդալական ճորտատիրական ճնշումը սրանց վրա համեմատաբար քիչ էր ծանրացած։

Բնութագրելով ֆեոդալական հարաբերությունները և գյուղացիության վիճակը Արեւելյան Հայաստանում պարսկական տիրապետության վերջին շրջանում, հեղինակը այնուհետև կանգ է առնում ցարիզմի գաղութային ու ագրարային քաղաքականության վրա՝ Հայաստանը Ռուսաստանին միացնելուց հետո։ Նա ցույց է տալիս, որ դեռ 1827 թ. Պետերբուրգում մշակվեց «Նախագիծ», որի մեջ նշվում էր, թե «ագնվականություն» կամ ինչպես նրան սկսեցին կոչել «բարձր դասի» և գյուղացիության միջև եղած հարաբերությունները պետք է թողնել անփոփոխ։ 1829 թ. Պասկեիչի «հրահանգով» ճանաչվեցին Հայկական մարզի կալվածատերերի հիմնական շերտի՝ մուլքադարների ժառանգական իրավունքները։ Դանաչվեցին նաև թիուղարների իրավունքները, բայց մի մասին ցմահ, իսկ մյուսներին՝ ժառանգական սկզբունքներով։ Թիուղարը կարող էր հաստատել իր կալվածատիրական իրավունքները, եթե ներկայացներ պարսկական իշխանությունների կողմից շնորհված համապատասխան փաստաթղթեր։

Աշխատության մեջ նշվում է, որ չնայած դրան, հայ գյուղացիության դրությունը ցարիզմի տիրապետության օրոք համեմատաբար բարելավվեց։ Ցարական օրենքները այնուամենայնիվ ապահովեցին գյուղացու անձի ու գույքի անձեռնմխելիությունը և թեթևացրին նրանից զանձվող հարկերն ու տուրքերը։ Մի շարք ուշագրավ հաշվումներից հետո հեղինակը ցույց է տալիս, որ պարսկական տիրապետության վերջին տարիներում մեկ շունչով վճարում էր համարյա այնքան տուրք (7,2 ուր.), ինչքան վճարում էր մեկ րևսաւնիքը (7,7 ուր.) ցարական տիրապետության առաջին տարիներին։ «...Բերված տվյալները.— դրում է Վ. Ռշտունին,— պարսկական և ուսական տուրքերի չափերի մասին այն անուրանալի փաստի իրական արտահայտությունն են, որոնք ապացուցում են, որ արեւելահայ գյուղացիությունը 1828 թ. ոչ միայն քաղաքականապես ազատագրվեց, իր ազգային դեմքն ու կուլտուրան փրկեց ոչնչացումից, այլև տնտեսապես խուսափեց անկումից ու կործանումից, որ սպառնում էր նրան պարսկական դաժան ուժի մի պայմաններում» (էջ 116)։

Սակայն հեղինակը չի անտեսում, որ գրանցվելով Ռուսական կայսրության տիրապետության ներքո, հայ գյուղացին չէր կարող չեն-

թարկվել այն հարստահարումներին ու կեղերումներին, որոնք գոյություն ունեին նիկոլայան դաժան ուժի մի օրոք: Հայկական մարզի իշխանությունները տարեցտարի բարձրացնում էին գյուղացիներից գանձվելիք հարկերը և ուժեղացնում նրանց ճնշումն ու հարստահարումը, որոնք, թեև երբեք չհասան պարսկականի մակարդակին, բայց և այնպես խոչընդոտում էին գյուղացիական տնտեսությունների զարգացումը:

Չարիզմի վարած հարկային քաղաքականությունը տեղիք է տալիս համազուգույցական բմբոստացումների: Եվ 1830-ական թվականներին Փամբակ-Շորազյալում ու Գյուկչայում գյուղացիները հրաժարվում են հարկեր վճարելուց, պարհակներ կատարելուց և ընդդիմակալում են իշխանություններին: Վերջիններս միայն երկարատև պայքարից հետո կարողանում են «հանգստացնել» նրանց:

Այնուհետև ցույց է տրվում, որ ցարիզմը ճորտատիրական քաղաքականության հետ միասին Անդրկովկասում, այդ թվում նաև Հայաստանում, տանում էր նաև գաղութային քաղաքականություն: Նա ձգտում էր Անդրկովկասի տնտեսական հնարավորությունները ի սպաս դնել ռուսական արդյունաբերության պահանջներին, բռնագրավել տեղացիների հողերը և տալ ռուս գաղթականներին: Այդ քաղաքականությունն անցկացնելու համար նա իր տիրապետության առաջին տասնամյակներում, ինչպես ասվեց, հենվում էր ռուս շինովնիկության վրա: Իսկ տեղական կալվածատիրությանը անտեսում էր: Ավելին, 1841 թ. հատուկ օրենքով Ղազախի, Շամշադինի և Բորչալուի նախկին դիստանցիաների աղալարները և հայ մելիքները հեռացվեցին գյուղերը կառավարելու պաշտոնից, իսկ նրանց կալվածքները բռնագրավվեցին: Յարական պաշտոնյաները այդ օրենքը ուզում էին տարածել նաև կալվածատիրական մյուս շերտերի՝ մուլքագարների ու թիուղարների վրա, բայց կանգնեցին «թե ժողովրդական լայն մասսաներից ծայր առնող բմբոստությունների դեմ և թե կալվածատիրական շերտերից լավուղ ալմրկալի վայնասունների հանդեպ» (էջ 159): Իրությունից դուրս գալու համար ցարիզմը այդ օրենքի նախագծի «եղինակին» սենատոր Գանին Հայտարարեց բարձրագույն իշխանությանը մուրեցնող, նրա վստահությունը շարաշահող և «եռացրեց պաշտոնից, իսկ աղալարների իրավունքները վերականգնեցրեց: Այնուհետև փորձեր կատարվեցին կալվածատիրությունը բանական պահանջներով ուղղությամբ և դաշն կնքվեց նրա հետ՝ ընդգեմ աշխատավոր գյուղացիություն:

Պրոֆ. Վ. Ռշտունին հատուկ ուշադրություն է դարձնում Նիկոլայ I-ի 1846 թ. դեկտեմբերի 6-ի ուսկրիպտի (չնորհաթղթի) վրա: Նա գիտում է այն որպես մի պատմական փաստաթուղթ, որով ցարը ոչ միայն վերականգնեցնում էր աղալարների կալվածատիրական իրավունքները, այլև դարձնում նրանց տեղական մյուս ֆեոդալական շերտերի հետ հավասար ժառանգական հողատերեր: Թեև ուսկրիպտը որոշ իրավունքներ է տալիս աղալարներին իրենց գյուղացիների կառավարման բնագավառում և այդպիսով օժտում էր նրանց ճորտատերերի արտոնություններով: Թեև ուսկրիպտի հիման վրա 1847 թ. լույս տեսան այնպես կոչված բեկական ու աղալարական «կանոնադրությունները», որոնցով սահմանվում էին գյուղացիների պարտավորությունները հողատերերի օգտին: Ընդունվեց, այդ կանոնադրությունները հիմնականում վերաբերում էին Ադրբեջանին, բայց նրանց հիման վրա 1851 թ. հունիսի 8-ին մշակվեց կանոնադրություն նաև Հայաստանի համար: Բավական հանգամանորեն վերլուծելով այդ կանոնադրությունների բովանդակությունը, հնդինակը գրում է. «...ցարիզմը բավական ցայտուն ֆեոդալական ճորտատիրական ձևակերպում ավելց Ադրբեջանի ու Հայաստանի կալվածատիրական շերտերի իրավունքներին գյուղացիների նկատմամբ: Վերջիններիս ուսերին բարդվեցին և բնատուրքի (մալքեհաթի), և կոռի (մշակ տալու պարտականությունը գյուղատնտեսական գործիքներով միասին ու կվրեզ), և տնային ծառայողի (նման այն ճորտերին, որոնց Ռուսաստանում անվանում էին дворовые люди), և դրամական տուրքի (չուպրաչի և վճար բուլավայրի համար) պարտականությունները, նման ռուսական և վրացական ճորտերի պարհակներին՝ աղալարական կալվածատերերի հանդեպ» (էջ 169): Այնուհետև նա նշում է, որ 1847 թ. կանոնադրությունները Ադրբեջանում կիրառվեցին, կիրառվեցին մասամբ նաև Հայաստանի Զանգեզուր և Ղազախ-Շամշադին շրջաններում, իսկ 1851 թ. կանոնադրությունը Հայաստանում չգործադրվեց: Նրա գործադրմանը սկզբում խանգարեց Արևելյան պատերազմը, իսկ հետո՝ Ռուսաստանում ճորտական իրավունքի վերացման նախապատրաստումը: Այդ պատճառով էլ Երևանյան նահանգում կալվածատերերի և գյուղացիների փոխհարաբերությունները մինչև 1870 թ. ունեցավ հիմնականում մնացին այնպես, ինչպես կարգավորված էին 30-ական թվականների զանազան օրենսդրական ու վարչական ակտերով:

Գրքի հնդինակը Հայաստանում ցարիզմի տիրապետության ժամանակաշրջանում գոյություն ունեցող արտադրահարաբերությունները բնութագրում է որպես կիսաֆեոդալական և կիսա-



ճորտական հարաբերություններ: Մեզ թվում է, որ այսպիսի բնորոշումը խիստ ընդհանուր է: Դժբախտաբար՝ Վ. Ռշտունին, ինչպես նաև մի շարք այլ ուսումնասիրողներ, իրենց եզրակացությունները բխեցնում են ոչ այնքան կյանքից վերցված կոնկրետ փաստերից, որքան ցարական օրենսդրություններից: Մինչդեռ օրենսդրությունները, ինչպես հայտնի է, հաճախ մնում են թղթի վրա: Պատմաբանը հասարակական արտադրահարաբերությունները վերլուծելիս, պետք է պարզի ոչ միայն վարիացիաները, այլև դրադացիաները: Լերդարեն, հագիվ թե կարելի է պնդել, թե գյուղացիների անձնական կախվածության ձևերը Հայաստանի բոլոր շրջաններում միանման էին: Ընդհակառակը, այդ ձևերը որոշ տեղերում մեղմ էին, այլ տեղերում՝ խիստ: Սրանք հարցեր են, որոնք դեռ պետք է լուսաբանել, ընդ որում, լուսաբանել իրական կյանքից վերցրած փաստերով:

Յարիզմի քաղաքականությունը և Հայաստանում գյուղություն ունեցող ֆեոդալական հարաբերությունները բնութագրելուց հետո պրոֆ. Վ. Ռշտունին անցնում է Հայաստանի տնտեսական զարգացման բնութագրման: Նա իրավացիորեն նշում է, որ Ռուսաստանին միանալուց հետո Հայաստանում այնուամենայնիվ պայմաններ ստեղծվեցին արտադրողական ուժերի և ապրանքա-դրամական հարաբերությունների զարգացման համար: Շնորհիվ այդ զարգացման, գյուղը տնտեսապես կապվում է քաղաքի հետ, երկրի տարբեր շրջանները՝ միմյանց հետ, Սրենսի նահանգը՝ Թիֆլիսի, Նիգավետպոլի ու Բաքվի նահանգների հետ: Հատկապես 1850—1860-ական թվականներին ընդարձակվում է Հայաստանի արտաքին առևտուրը: Նա գյուղատնտեսական մթերքներ է արտահանում դեպի Կենտրոնական Ռուսաստան, իսկ այնտեղից ստանում արդյունաբերական ապրանքներ:

Ամփոփելով Հայաստանի տնտեսական զարգացումը XIX դ. կեսին, Վ. Ռշտունին գալիս է այն ճիշտ եզրակացության, որ «Լենդրկովկասի հետ միասին, Հայաստանում ևս, թեև դանդաղ, բայց բավականաչափ նկատելի ձևով, ֆեոդալական հարաբերությունների գրկում, տեղի էր ունենում բուրժուական տնտեսության տարրերի զարգացման պրոցեսը: Ռուսաստանից հետո և նրա ազդեցության հետևանքով ցարական այս դադութի տնտեսական կյանքն էլ օժտված էր նոր, բուրժուական շոշափելի գծերով և այդ ոչ միայն արդյունաբերության, այլև մասամբ գյուղատնտեսության մեջ: Հին, ֆեոդալական տիրող հարաբերությունների և նոր, բուրժուական տնտեսության զարգացող տարրերի բախման ոլորտն էր ներգրավվում գյուղը 50—60-ական թվականների ընթացքում» (էջ 239):

Գրախոսվող աշխատության հեղինակը հանգամանորեն նկարագրում է Հայաստանի գյուղացիության մղած չասակարգային պայքարը 1828—1870 թթ. ընկած ժամանակաշրջանում: Նա ցույց է տալիս, որ Ռուսաստանի ինչպես մյուս շրջանների, նույնպես և Հայաստանի գյուղացիները պայքարում էին ցարիզմի, տեղական ֆեոդալների և գյուղի կուլակային տարրերի հարստահարումների դեմ: Սակայն դրա հետ մեկտեղ նա նշում է նաև հայկական գյուղում տեղի ունեցող դասակարգային պայքարի առանձնահատուկ կողմերը: Ինչ առանձնահատկություններից ամենակարևորն այն է, որ Հայաստանում գյուղացիական շարժումները ոչ միայն իրենց ծավալով, այլև իրենց բնույթով չեն հասել այն աստիճանին, ինչ որ, օրինակ, Վրաստանում, մասամբ նաև Ադրբեջանում: Հեղինակն այդ բացատրում է նրանով, որ ֆեոդալական-ճորտատիրական հարաբերությունների ծանրությունը Հայաստանում այն աստիճանի հասած չի եղել, ինչ որ, օրինակ, Վրաստանում, որ հայ ժողովուրդը դարեր շարունակ իր փրկության հույսը կապել էր Ռուսաստանի հետ, իսկ դա խոչընդոտել է նրա ծավալուն պայքարը ցարիզմի դեմ և այլն: Ինչուամենայնիվ Հայաստանի գյուղացիությունը իր շահագործողների և կեղերողների դեմ պայքարել է ինչպես կարողացել է: Նրա պայքարը արտահայտվել է մերթ մասսայական բողոքների ու գանգատների, մերթ հարկերից ու տուրքերից, ինչպես և պարհակներ կատարելուց հրաժարվելու, մերթ կալվածատիրական հողերը լքելու և պետական հողերի վրա տեղափոխվելու, մերթ զինված ելույթների ու պայքարի այլ ձևերով: Նրանցից, սակայն, ամենատարածվածը մասսայական բողոքների ու հարկերից հրաժարվելու ձևերն էին: Հայաստանի որոշ շրջաններում ցարական իշխանությունները գյուղացիական ելույթները սանձահարում էին զինված ուժերի օգնությամբ: Հեղինակը հանգամանորեն նկարագրում է Փամբակ-Շիրազյալի, Գյուկչայի (1837—1838), Շուլավերի (1852) և այլ վայրերի բնակիչների նշանավոր ելույթները և իրավացիորեն նշում, որ դրանցով ամենևին էլ չեն վերջանում Հայաստանի գյուղացիության պայքարի պանծալի էջերը:

Գրախոսվող աշխատության վերջում ցույց է տրվում հայ հասարակական հոսանքների դիրքավորումը գյուղացիական հարցի նկատմամբ: Իրավացիորեն նշվում է, որ կղերա-ֆեոդալական ռեակցիոն հոսանքի ներկայացուցիչները պաշտպանում էին հողատերերի շահերը և այդ նպատակով «Ճռաքաղում», «Համբավաբեր Ռուսիայում», «Մեղու Հայաստանում» և այլ օրգաններում անվերապահորեն փառաբանում



ու գովերգում էին ցարիզմի բոլոր միջոցառումները: Հայկական բուրժուազիան ելնելով այն բանից, որ ցարիզմի թևի տակ իր աճի համար դոյություն ունեին բավականաչափ լայն հնարավորություններ, նույնպես հավանություն էր տալիս ցարիզմի վարած քաղաքականությանը:

Հեղինակը հայ կղերա-ֆեոդալական ու բուրժուական հոսանքներին իրավացիորեն հակադրում է հայ ռևոլյուցիոն-դեմոկրատական հոսանքը, որի կարկառուն ներկայացուցիչը Մ. Նալբանդյանն էր: Նալբանդյանը Ռուսաստանի դյուղացիական ռեֆորմին կամ ճորտական իրավունքի վերացմանը մոտենում էր ռուսական ռևոլյուցիոն-դեմոկրատիայի տեսակետից: Նա գտնում էր, որ հողը պետք է տրվի գյուղացիներին և միայն այդ դեպքում հնարավոր կլինի ազատել նրանց ճորտությունից ու անցնել սոցիալիզմին: Իհարկե, նրա պատկերացրած սոցիալիզմը մասնաբուրժուական սոցիալիզմ էր, բայց այդ դադափարը այն ժամանակվա համար ամենաառաջադիմականն էր, քանի որ հողը գյուղացիներին տալը ենթադրում էր կալվածատիրական հողատիրության ոչնչացում, իսկ այդ հողատիրության ոչնչացումը լայն պայմաններ կստեղծեր երկրի արտադրողական ուժերի և նոր, կապիտալիստական հարաբերությունների արագ զարգացման համար:

Այսպիսով, պրոֆ. Վ. Ռշտունու «Ուրվա-

դժերի» առաջին հատորը մի արժեքավոր ներդրում է Հայաստանի գյուղացիության պատմության ուսումնասիրության բնագավառում: Հեղինակը ամփոփելով սովետահայ պատմագրության ձևաբանական նվաճումները դյուղացիության պատմության մշակման ասպարեզում, ոչ միայն պաշտպանել է իր մի շարք նախկին ճիշտ դրույթները, այլև խորացրել ու զարգացրել է դրանք:

Սակայն աղբյուրների և տեղեկությունների բացակայության պատճառով նա հարկադրված է եղել բաց թողնել Հայաստանի գյուղացիության պատմության վերաբերյալ մի շարք կարևոր հարցերի լուսաբանումը: Այդպիսի հարցերից են և ճորտատիրության դոյությունը Հայաստանում պարսկական ու ցարական տիրապետության ժամանակաշրջաններում, Հայաստանի գյուղական բնակչության տարբեր շերտերի մասնակցությունը ապրանքային արտադրության մեջ, գյուղացիության և արհեստավորների ունեցվածքային շերտավորումը, վարձու աշխատանքի տարածման շախմատն ու բնույթը գյուղատնտեսության մեջ, Հայաստանի գյուղացիական շարժումները 60-ական թվականներին և այլն: Հետագա ուսումնասիրողները, անշուշտ, աշխատանք պետք է ծավալեն այդ ուղղությամբ:

Ա. ՀԱՄԲԱՐՅԱՆ

SIRARPIE DER-NERSESSIAN, *A Catalogue of the Armenian Manuscripts*. The Chester Beatty Library, Dublin, 1958, in Two Volumes.

ՍԻՐԱՐՓԻ ՏԵՐ-ՆԵՐՍԵՍՅԱՆ, *Հայերեն ձեռագրերի մի ցուցակ*, Չեստեր Բեատիի գրադարան, Դուբլին, 1958, երկու հատորով:

1958 թվականին Դուբլինում (Իռլանդիա) լույս է տեսել հայ մանրանկարչության և բյուզանդական արվեստի հայտնի մասնագետ, Հարվարդի համալսարանի պրոֆեսոր Միրարփի Տեր-Ներսեսյանի կազմած Ձեռագրացուցակը՝ երկու հատորով: Նկարագրված ձեռագրերը պատկանում են մի անհատ մարդու՝ ոմն Չեստեր Բեատիին, որը մեծ սեր և հակում ունի բնագիտական ձեռագրերի մանրանկարչական արվեստի և մասնավորապես՝ հայ մանրանկարչության նկատմամբ: Չեստեր Բեատին հայերեն ձեռագրերի նկատմամբ իր հետաքրքրությունը քաջատրույթ է նրանով, որ հայ գրչության արվեստի նվաճումները մեծ ազդեցություն են թողել իր վրա: Նա հավաստում է, որ հայ գրչության արվեստը, լինելով կարևոր կոպ և քրեյի և ևերմուտքի գրչության արվեստների միջև, համեմատաբար քիչ է ուսումնասիրված նվաճում:

պայում: Այդ պատճառով նա մեծ բարեբախտություն է համարում այն, որ իր մոտ եղած հայերեն ձեռագրերի գիտական նկարագրությունը հանձն է առել այնպիսի մի խոշոր հայագետ և մանրանկարչության հմուտ մասնագետ, ինչպիսին Միրարփի Տեր-Ներսեսյանն է:

Չեստեր Բեատին ունի անձնական խոշոր գրադարան, որտեղ ի մի են հավաքված պատմական խոր անցյալ ունեցող կուլտուրական շատ ժողովուրդների ձեռագիր գանձեր: Նրա գրադարանի համարակալված ձեռագիր աշխատությունների հայկական բաժինը ամփոփում է 67 միավոր՝ սկսած 551 համարից մինչև 617 համարը, ըստ որում դրանցից 3-ը աստվածաշնչեր են (1 համառոտ, 1 ամբողջական և 1 պակասավոր), 40-ը՝ ավետարան, 2-ը՝ սուղմոսարան, 6-ը՝ շարական, 4-ը՝ բարոզգիրք, 5-ը՝ հայտնավորք, 1-ը՝ մաշտոց, 1-ը՝ եկեղե-